

PM ketawa dengar telatah Menteri2 sebelum ke India

PERDANA Menteri, Datuk Hussein Onn (kanan) ketawa mendengar telatah para Menteri2 sebelum beliau berlepas dengan Jet Eksekutif ke India di Lapangan Terbang Antarabangsa Kuala Lumpur, di Subang, pagi semalam.

Mereka ialah Timbalan Perdana Menteri, Datuk Seri Dr. Mahathir Mohamad (dua kanan); Menteri Tenaga, Telekom dan Pos, Datuk Lee Moggie; Menteri Perusahaan Awam, Datuk Masnan Othman; Menteri Luar, Tengku Ahmad Rithauddeen; Menteri Kewangan, Tengku Rasaleigh Hamzah dan Menteri Pengangkutan, Datuk Lee San Choon.

Datuk Hussein ke New Delhi untuk menghadiri Sidang Serantau Ketua-ketua Kerajaan Komanwel lima hari mulai Khamis ini.

Perdana Menteri mengetuai rombongan sembilan orang dijangka akan membuat ucapan penting mengenai kerjasama ekonomi dan serantau.

Sidang yang dihadiri oleh 16 negara rantau Asia Tenggara dan Pasifik mula diadakan pada 1977 bagi memupuk perundingan serantau dan meningkatkan kerjasama mengenai perkara-perkara kepentingan bersama di kalangan negara anggota Komanwel di rantau ini.

Antara yang mengukuti rombongan itu ialah Tengku Ahmad Rithauddeen dan Ketua Pengarah Unit Perancang Ekonomi Jabatan Perdana Menteri, Tan Sri Ishak Pateh. Akhir dan pengawal-pegawai lain. — Gambar Berita Harian.



Bahan asal dari Arkib
Negara Malaysia

No. Siri 11,394
No. Penerimaan 3207/87